

窮究竟極說。故序中云說已心中所行法門。良有以也。請尋讀者心無異緣等云云。夫智者弘法三十年。廿九年之間說玄文等諸義。明五時八教百界千如。前五百餘年之間責諸非。竝天竺論師顯未述。章安大師云。天竺大論尙非其類。震旦人師何勞及語。此非誇耀法相然耳等云云。無墓哉天台末學等華嚴眞言元祖盜人被盜取一念三千重寶還成彼等門家。章安大師兼知此事歎言。斯言若墜將來可悲云云。問曰。百界千如與一念三千差別如何。答曰。百界千如限有情界。一念三千互情非情。不審云非情互十如是草木有心。如有情可爲成佛如何。答曰。此事難信難解也。天台難信難解有二。一教門難信難解。二觀門難信難解。其教門難信難解者於一佛所說爾前諸經二乘闡提未來永不成佛。教主釋尊始成正覺。來至法華經迹本二門壞彼二說。一佛二尊水火也。誰人信之。此教門難信難解也。觀門難信難解百界千如。一念三千非情之上色心二法十如是是也。雖爾於木畫二像者外典內典共許之爲本尊。於其義出自天台一家。草木之上不置色心因果木畫像奉恃本尊無益也。疑云草木國土之上如是因果二法出何文乎。答曰。止觀第五云。國土世間亦具十種法。所以惡國土相性體力等云云。釋籤第六云。相唯在色。性唯在心。體力作緣義兼色心。因果唯

①第2紙表16行② ②竺=竺③ ③誇耀=誇耀④ ④云十(兼知此事歎曰斯言若墜)10字⑤ 但抹消 ⑤〔被〕一頁 ⑥〔信〕一頁 ⑦第2紙裏17行⑧ ⑧色心=心色⑨